

KUÑA PARAGUÁI REFLEXIÓN DE 5'
VERSIÓN RESUMIDA NÚMERO 59
MBO'EPY: MBA'ASY PO'I. TUBERCULÓISIS – ÑANDEJÁRA JOPÓI.
Tuberculosis/Regalos de Dios

Loida: Maitei che angirũ. Ko árape ñañe'ëta mba'asy po'i rehe, ha'éva pe Tuberculóisis.

Mba'asy po'i oñeinfecta, ojekuaa avei chupe TB ramo, umi gérmen orekóva mba'asy po'i nomanoséi voi.

Tuberculóisigui ñande rasy umi gérmen rupi. Umi gérmen oike ñande pulmónpe ñane pytuhẽvo. Mba'asy po'i ikatu opáy térã oke. Opáy ramo umi gérmen oñepyrũ oñemuña. Ikatu ova ambue hendápe ñande retépe, ñane riñónpe, ñane kanguépe ha ñane apytu'ũme avei. **Tuberculóisis ikatu ñande juka.**

Peteĩ hasýva iñatĩa, ihu'ú térã oñe'ë ramo hapicha ndive ova ko mba'asy. Péva rehe reñangareko ramo peteĩ hasýva mba'asy po'igui reipuruva'erã tapaboca.

Umi vaca kamby rembojy poráva'erã re'u mboyve, rejuka haḡua umi gérmen kuéra ikatúva oguereko.

Reikóramo tenda hetahápe mba'asy po'i opavave nendivegua ndive pejapova'erã análisis.

Oikévo pe gérmen máva retépe oñorairõ hendive hete retepypegua. Umi defensa omongora umi gérmenpe, upépe opyta oke hikuái. Péva aja pe tapicha oñeñandu porã ha ikatu heta ary péicha oiko. Upéva oñembohéra **INFECCION TB. térã Infección mba'asy po'i rehegua.**

Ko'ã gérmen noñepohanói ramo opáyta ha hérata mba'asypo'i térã **TB activa.**

Oñepyrũ guive umi gérmen mba'asy po'i omoirũva ojehecháma pe tapicha hasyha. Ikatu oñepyrũ ihu'ú, ikangy, iñakãnundu ha ipiruve, ihu'úvo opoi tuguy, ha hy'aieterei pyharekue. Péva omoñandu vaieterei hasývape ha ikatu ova pya'eve hapichakuéra rehe.

Oĩ peteĩ test ikatúva ojejapo reikuaa haḡua oĩpa pe gérmen nde retépe.

Pe pohã he'u manteva'erã rekuera haḡua. Ikatu reñeñandu porã ha umi gérmen nomanói gueteri.

Salmo 24: 1pe he'i: "Ko yvy niko Ñandejára mba'e, opa mba'e ipype oïva, ha opa mba'e ipype oikóva."

Ko arapýpe opa mba'e Ñandejára mba'e. Péva rehe ñande py'aguapyva'erã jaikuaávo Ñandejára pópe ñaimeha. Ha'e ipu'akapa ha ikatu ome'ẽ ñandéve opa mba'e ñaikotevéva. Ikatu avei oipe'a ñandehogui oipe'aséva. Ha'e ojaróva guive mborayhúpe ojapo. Péicha jajepy'amongeta ramo, jahechakuaáta ñande rekove tuicha mba'eha, ndaha'úi umi jaguerekóva rehe, térã are jaikovéta rupi.

Proverbios 15: 3pe he'i: "Ñandejára omaña opa rupi ha ohecha iñañávape ha imba'e porāvape". Ha Salmo 121: 7-8 pe ñamoñe'ẽ: Ñandejára ndohejamo'ãi ojehu ndéve mba'eve ivaíva, Ha'e oñangarekóta nde rehe, resẽvo reho haña ha reñuahẽvo, ko'ágã guive, opa ára peve".

Ñandejára mba'e porã tañande rupyty opavavépe. Ñandejára ñane pytyvõta hasyve jave ñande rekovépe jajeruréramo chupe tañane pytyvõ. Ñane mandu'áke opa mba'e jaguerekóva ha'e Ñandejára jopói, ohechaukáva ñandéve imborayhu. Ñame'ẽke chupe ñande aguije opa ára.